

КҮЧ-КӨЛСНЭ КҮЦМДЖС

Би мал асрлгъна кӧдлмшт икӧр дурлдж кӧдлнӧв. Терм учрта, мана зӧӧр — мал. Мал асрдж ӧскӧд, шим-шӱӱсинь икдӱлад бӧӧхлӧ мана орн-нутгин олн келн ӧмтсин бӧӧдл джиргъл улм сӧӧхрӧд йовхмн. Ода Яш-кульск района «Лиманный» совхозд ах ӱкрчӧр кӧдлджӧнӧв. Мини гуртин коллектив ницнъгъӱ, нег-негндӧн сӱв-селвгӧн ӧгч, кӧдлмшин гӱргӱд учрсн дуту-дундан цаглань уурагъад, малин тоогъинь ӧскхин, шим-шӱӱсинь ӧӧдлӱлхин тӧлӧ шундж кӧдлджӧнӧвдн. Мини гуртд Боктан Эдӧ, Эдлӧн Цедӧ, Боктан Мӧстӧ, эдн кӧдлджӧнӧ. Тедн цугъар кӧдлмштӧн килмджтӧ ӧмтс. Бидн гурвн джил нег совхозд, нег кӧдлмшт хамдан кӧдлджӧнӧвдн.

Малд килмджтӧ хӧлӧц ӧгхлӧ чинӧнъ сӧн болна, тегӧд малчин кӱч-кӧлснӧ аш кезӧд чигн ӱзгднӧ. Джилн дӧрвн цагин эргцд малиг нег джисӧгъӧр асрдж болш уга. Тегӧд бидн газет, журнал умшдж, орн-нутгин нӱӱрлгч малчнрин дамшлтс медӧд, кӱцӧдджӧх кӧдлмштӧн олзлад, совхозин специалистнрин ӧгсн селвгиг сонъсдж, зоотехническ зокалар малан асрнавдн. Цасн хӧӧлӧд, хавр боллгънла ӱвлӧнъгӧсн малан туудж гарад, намр болад, ӱвл эклтл идгин сӧӧнӧр усна элвгӧр теегт йовнавдн. Зуна халун ӧдрмӱдт тугълмудан сегдор ӱдлӱлнӧвдн, малан таслвр угагъар услнавдн, сӧӧннъ дуусн, цадтлнъ газрин идгт хӧрӱлнӧвдн.

КПСС-н XXI хургин партин болн правительствин нань чигн шиидврмӱ, мана гуртин чледт агъу кӱчтӧ омӱ ӱдӧв. Долан джилин зура кӱцӧдлгънд цуг оньг сӱзгӧн ӧгч, кӱчн-чидлӧн ӧрвлл уга кӧдлдж, эн джил хурчиг тату болад, гань болсн бийнъ асрджах тугъл болгънас ӧдртӧн 900 грамм ӧслт авбувдн, 100 ӱкр болгънас 103, тугъл гаргъдж авад, чань-чииргӧр асрджанавдн.

Мана ӧбригадин кӧдлмшин ашиг совхозин гардвр, партийн, комсомольск организацс темдглад, кесг дакдж кӱндлгънӧ грамотар ачлад, ӱн мӧрагъӧр мӧрӧлв.

Эн джилин ӱвлд ӱзмджтӧгъӧр бидн белдвр кевӱвдн, хаша-хаацан сӧӧнӧр ясдж авбувдн, малдан ӱвлин эргцд кӱрх хот белддж авбувдн. Бората цӧн ӧдрмӱдӧс бишнъкднъ малан газрин идгт хӧрӱлнӧвдн. Малдан хотинь яслъд ӧгч асрнавдн, минеральн хотдавс, церд таслвр угагъар ӧгнӧвдн.

Одахн мана совхозин партийн организац намаг партин членӧ канди-датд орулдж авб. Тер нанд ик ӧргмдж, урмд ӱдӧв.

КПСС-н ЦК-н Пленум уктдж эн ӱвлӧс малан гару угагъар, чинӧгъинь муурал уга ӱвлӧӱлдж гаргъх, иргч долан джилин хойрдгч джилд тугъл болгънас ӧдртӧн 950 грамм ӧслт авх, зун ӱкрӧс улм олн тугъл авх даалгъвр авчанав.

Эрднъ ШТЕПИН.
Ах ӱкрч.